

A D S. D. N.

XVI
F-30

CLEMENTEM VIII.

PONT. OPT. ET MAX.

O R A T I O.

Habita cùm eidem nomine ALPHONSI II.
Estensis Ducis Ferrariæ Serenissimi.

*Obedientiam præstaret Illustrissimus & Excellentissimus
Cæsar Estensis Marchio Monticuli, & eiusdem
Ducis patruelis.*

A Io. Francisco Terzanio Cremona I. C. Ferrariensi.

Pridie Idus Maij M D XCII.



SVPERIORVM PERMISSV.

ROMAE, Ex Typographia Aloysij Zannetti.
M D XCII.

Impensis Octaviani Gabrielij.

R. 93975



A. D. S. D. N. CLEMEN-
TEM VIII.


PONT. OPT. ET MAX.

O. R. A. T. I. O.

Habita cum eidem nomine A. L. P. H. O. N. S. I. I. I.
Essentis Ducis Ferrariae Secretissimus.

Obedientiam praestare Reverendissimo & Excellentissimo
Caesari Ernesti Archiducis Austriae, & Imperatoris
Ducis pariter.

A. Jo. Francisco Turano-Carmona J. C. Secretario
Pridie Idus Maij M. D. XCII.



SECRETARIUM FERREARIENSIS.

H. O. M. A. E. Ex Typographia Aloyij Spannerii.
M. D. XCII.

Impressit Jo. Baptista Gagnoli.





ORATIO.



QUOD semel atque iterum ego omni studio contendi cū Serenissimus Princeps meus Alphonsus II. Estensis Dux Ferrariae inelytus ad hoc idem obeundum munus grauisimum huc me legauit, Pater Beatissime, Confessus Illustrissime, & Sapientissime, illud existimaui hoc tempore parcissime faciendum mihi esse; Laudauit etenim conquisito in hoc vndecunque pro modulo ingenij mei, & rerum apparatu, & verborum nitore aliquo, summos illos & maximos viros Sacrosanctae Dei Ecclesiae praefectos. Verumtamen satis hodie mihi, satis muneris mei rationi fecero, si nudis saltem & simplicibus verbis ipsam, Pater Beatissime, habitam de te diuinitus electionem exposuerō; Ornari ipsa extrinsecus negat tam grauis, tam illustris, tam absoluta. Orabat supplex Christiana Respublica effusis cum pijs lachrymis ad Deum Optimum Maximum precibus, vt summis in omni Virtutum genere Pontificibus Vrbano VII. Gregorio XIII. & Innocentio IX. qui Christiano orbi quasi totidem Soles ostensi in ipso ferè ortu occiderunt, vnus tandem ex amplissimo hoc atque illustrissimo orbis terrarum Senatu sufficeretur Pontifex, quo longioris vitae spatio diuinas perpurgati animi exercente Virtutes, Christiana ipsa Sacrosancta Ecclesia tot orbata luminibus releuaretur, atque recrearetur. Mentis equidem dotes excelsae & supremæ illum maximè decent præ cæteris, vnde religiosum optimi & immortalis Dei cultum petunt cæteri, illum, ad cuius praescriptum omnes vitam conformant suam, illum, à quo vno deriuanda est in cunctos felicitas; nam eas sacrarum rerum Principi si dempseris languent optimi ordines, maxima quæquè dilabuntur, & flaccescit, ac tandem res concidit publica. Sed ò admirandum & felicitissimum euentū, hæc & consimilia piissima Christianorū societate animis suis & votis concipiente, è regione humanus sensus humanos præferēs affectus omnia more suo inquirebāt, moliebatur diffiniebat; infausta et infœlicia iactabat omina; electionē supremi vniuersæ Ecclesiae capitis à bonis supraquam dici posset expetitā omnino differendam, atque etiam in annos protrahendā. Quando ecce paucissimis post diebus ex quò Patres se Cœclauī cōmisissent, vniuersus ipsorū ordo tot nominibus illustrissimus & sapiētissimus certatibus suffragijs, & quodā veluti vehemēti confluxu Hyppolitum Aldobrandinū titulo Sancti Pancratij Cardinalem,

nihil minus expectantem, quin etiam, dicam id quod est, reluctanter & inuitum, & Christianæ pietatis atque humilitatis mira dantem documenta, Pontificem salutauit & adorauit. O Pontificem quem fecit Dominus, exultemus & letemur de illo; Vere hodie Catholica Ecclesia inuocasti Dominum, & ipse te exaudiuit, clamasti & ipse dixit, ecce adsum. Tam profecto nullus compos mentis & consilij dubitare iure potest Immortalis ac Præpotentis rerum omnium effectoris, atque administratoris nutu & prouidentia, quicquid humana ratio ac voluntas contenderit ac repugnauerit, Cardinalem Aldobrandinum Principis Apostolorum successorem, omnium gentium parentem, & maximum Christianæ religionis interpretem creatum esse. Vetus est sapientum verbum, Ex bonis boni, ex fortibus fortes; quod ipsa veritate diuina comprobatum est, Ex fructu dignoscitur arbor, bona facit fructus bonos. Ex bono & forti Syluestro Aldobrandino boni & fortes filij, bonus ille singulari morum probitate, & bonarum scientiarum cognitione; fortis qui excelso & æquissimo animo aduersa pertulit, & ardua aggressus labore improbo omnia vicit; Grauiissimus propterea & vere eruditissimus Iurisconsultus, græcarum etiam latinarumque litterarum admodum peritus, iactatus licet grauioribus humanarum perturbationum fluctibus, plena omnis eruditionis edidit monumenta; & vir consilio prudentiaque plane singulari in tota Italia summa fuit gratia, & auctoritate, tum apud amplissimum Rauennæ Cardinalem Benedictum Accoltum, & Serenissimum Guidubaldum Urbini Ducem, tum vero Hipolitum Estensem excelsæ mentis Cardinalem & Principem, eiusque Serenissimum fratrem inuictum Herculem secundum Ducem Ferrariæ; qua in Ciuitate Syluester cum ingenti Ferrariensium letitia peramater exceptus varia Iurisprudentium officia magna cum gloria aliquot annis gessit. Longe acceptus fuit summis Pontificibus. Paulo III. & IV. ab illo in Aduocatorum Cōsistorialium celeberrimum Collegium delectus est, apud hunc non modo functus est munere Delatoris litterarum supplicum tam gratiæ quàm, sicut dicunt, iustitiæ, Referendarium dicunt utriusque signaturæ, sed eiusdem ab intimis epistolis & secretis fuit, magnorum etiam negotiorum & consiliorum particeps & administer, & in summa ob insignem ipsius integritatem, prudentiam, & doctrinam in gubernanda ditione Ecclesiastica ad omnia grauiissima est adhibitus. Boni & fortes ex Patre bono & forti prodierunt filij, Petrus, Ioannes, Thomas, Bernardus, Hyppolitus; O Virtutis in animis nobilium inditum semen, O mirum gloriæ desiderium; fuerunt plerique omnes græcis ac latinis litteris, atque in primis Iurisprudentiæ ac Philosophiæ præclaris disciplinis ornatissimi, sed Ioannes Iuris utriusque Consultus præclarissimus Auditor Rotæ, ut vocant, Romanæ Curiæ iudicia iustissime prudentissimeque exercuit; & ab Pio Quinto illo Sanctæ & immortalis memoriæ Pontifice, cuius etiam Thomas domesticus Secretarius fuit, Purpuratorum ordini cum incredibili bonorum omnium letitia insertus, ad præclaram omnium ornamentorum

perue-

peruenit laudem; summumque obtinuit inter eos locum, qui abditos conscientie serupos peculiari potestate soluant, ac salutari pœnitentia abluunt sordes criminum, Pœnitentiarius summus is est. Te vero Pontifex Optime & Maxime alto Dei consilio supremus manebat in terris honos; nam Patris, Fratrisque vestigijs insistens, & eisdem laborum atque honorum passibus iter humanarum actionum ingrediens, non modo eos consecutus es, sed Deo ipso duce tanto præcurristi quanto longius hic maiestatis apex omnibus antecellit; Tu etenim quam mortales cæteri sequuntur eam iam pene manibus apprehensam tenes immortalitatem. Quod honorum omnium longe maximum Christianus piorum hominum cœtus secundum Dei clementissimi bonitatem acceptum refert singulari tuæ pietati, & prudentiæ, & vigilantia, quas eximias virtutes tecum à natura tulisti, & continua morum exercitatione diligentissime excoluisti; omni quidem vita, sed præsertim Auditor Romanæ Curie, Cardinalis Amplissimus, Pœnitentiarius summus, & ad Regem Polonorum à latere Legatus; quibus maximis te ornauit honoribus Pontifex Maximus, & reherentis ingenij acie maxime pollens Sixtus Quintus; illudque præ cæteris summa laude de te circumfertur, auersatum te semper fuisse humanas scientias quæ non cum Christiana pietate congruere & conuenire videantur, rectissime quidem, nam ex sanctissimis & doctissimis Patribus aperte licet intelligere quæ monstra generauerint Philosophorum opiniones à Religione, cuius tu hodie solus es & maximus interpretes, abhorrentes, Iure itaque optimo hunc amplissimum gradum, Pontificiamque dignitatem tuis meritis ac magnis virtutibus datam esse omnes confitentur; persuasumque habent omnes Deum Clementissimum miseris hisce periculosisque temporibus ad bene de omni Christiana Reipublica sperandum Te quasi signum aliquod singulari beneficio sustulisse. Illustrissimi atque Optimi Patres ipse attigi, immo potius per capita quasi adumbravi eius, quem vos ad Pontificatus Maximi culmen prudentissime assumpsistis ornamenta; quando cum sermo est de summis vestri ordinis hominibus, quorum absoluta virtus non nisi quod arduum est & perfectum spectat, indecorum est in singulis immorari. Iam vero in hac ipsa communi omnium & præcipua Principum Christianorum gratulatione Alphonsus I I. Estensis Dux Ferrariæ Serenissimus ne vni quidem alij partes concessit primas; Ita sane decuit Principem Catholicæ Ecclesiæ cum primis deuinctissimum, siue ipsum tota vita spectemus, siue nobilissimam, & continuato tot seculorum cursu antiquissimam Avorum suorum seriem, siue populos & subiectas sibi vrbes. Accedit Pontifex Optime & Maxime quod tuus cum sit quaquaversum omnis terrarum orbis, & præsertim omne Christianum Solum tua est præcipuis rationibus vrbs Ferraria; Parentis scilicet tui optimi iucundum domicilium, Charissimorum fratrum honestum Musæum, & infantiae tuæ dulce solatium vix prius quàm Ferrariense aliud attigisti solum, aliud atraxisti spiritum, aliud aspexisti cœlum; sicuti non potes tui ita nec Ferrarie

rie



rie tuæ quæ te gloriatur alumno obliuisci; quid enim prohibet asseuerare Ferrariam Pontificatus tui quasi basim collocauisse? Ipsa. s. Parenti tuo, cuius præclaram animi bonitatem & vim mirum sanè in modum excitauit, ad omnes copias, atq. ad omnes honores gradum fecit; Ipsa fratrum tuorum quorum alij alio scientiarum genere delectati sunt exercuit, excoluitq. ingenia, atq. illis, quos ipsa pariter Ferrariensis Accademia egregijs Iureconsultorum Insulis decorauit, ad amplissimas dignitates iter aperuit; Ipse te Pontifex Optime & Maxime excepit sinu penè infantem, tibi q. cum lacte optimarum artium sucum effudit; Omnium quidem altissimum Aldobran aine familie hodie erectum conspicimus ædificium, sed eius altius suffossa olim fuerunt à Ferrariensibus, & eorum Ducibus fundamenta. Agnouisse hæc visus est amplissimus Parens tuus quadam grati animi significatione, qui cum vel in Serenissimi Herculis II. Ducis Ferrariæ, vel in ipsius Ferrariæ urbis mentionem incideret, consuevit familiaribus alloquijs & disertissimis suis scriptis illum cum maxima honoris præfatione Ducem suum, hanc inclytam totius Italiæ Ciuitatem nuncupare; quam & Petrus frater tuus clarissimus Iurisconsultus, Aduocatus Consistorialis, doctissimumq. Auum tuum Petrum nomine & doctrina referens, elegantissimo Iuris opere quod in publicum dedit, bonarum artium altricem Ciuitatem appellat. Quibus causis omnibus Alphonsum Ducem valde commouentibus, dici non potest quanta alacritate, quam obedientiam & fidem erga Sanctissimam hanc sedem more maiorum, & perenni constantis animi voluntate puram atq. illibatam hætenus conseruauit, eam Sanctitati Tuæ hodie deserat. Desert autem quanta potest maxima reuerentia per hunc Illustrissimum & Eecellentissimum Monticuli Marchionem Cæsarem Estensem Patruelem & Oratorem suum, Principem tanta legatione dignissimum, Alphonso quippe præter sanguinis rationem, fide, & obseruantia coniunctissimum, & tibi Pater Sanctissime propria mentis inductione maximè omnium deditissimum. Alphonsus quæcunq. charissima & maxima habet, ea tibi deuouet & consecrat vniuersa, Vrbes, Populos, Imperium, Vitam, Spiritum quem ducit suum. Tu Pater Sanctissime pro innata tua clementia benigno illum fauore complectere, protege, fove. clemens natus es & clemens vixisti, nec prius esse desisti, quam terræ possessionem adeptus fuisti; Beati mites quoniam ipsi possidebunt terram; Nam præclarissimum clementiæ nomen quicquid prudentiæ cancellis, quicquid fortitudinis ac temperantiæ finibus, quicquid iustitiæ charitatisq. terminis continetur, excelsa quadam & admirabili ratione complectitur. Quod vnum superest Alphonso & cum eo pij ac boni omnes valde optant, quod & valde sperant, productum tibi longissimæ vitæ cursum; Vt quod rectè facis quam diutissime facias, Digna enim facis Pontifice Clemente Octauo, Quem propitius in omne æuum respiciat.

DEVS OPTIMVS MAXIMVS.



ANTONIUS BVCCAPADVLIVS

SECRETARIVS APOSTOLICVS

DOMESTICVS.

Ipsius summi Pontificis nomine in hæc verba respondit.



Ræclarè intelligit Sanctissimus D.N. multa potuif se dici quæ silentio sunt præterita, de Alphonsi Ferrariæ Ducis prudentia, magnificentia, magnanimitate, & cum cæterarum virtutum præstantia, tum quod huius actionis proprium est, pietatis laude, in sanctæ, atq; Apostolicæ Sedis auctoritate, hac tam illustri legatione, & obediētæ testificatione veneranda. Sed agnoscit illius modestiam singularem, qui hoc ipsum vix est passus attingi, cætera maluit in existimatione relinquere, quàm in oratione poni. Quod de se itidem factum vellet S. D. N. Ipse verò semper eximias illius virtutes perspectas habuit, ac plurimi fecit, facietque. Nunc obedientiam accipit animo libentissimo vnà cum his Venerabilibus fratribus suis S. R. E. Cardinalibus Sic autem confirmat, quæcunque potest filius optimus sibi polliceri à parente amantissimo, fore semper illi à separatissima.

FINIS.

